

28. juli 2008.

Nalunaarut nr. 803.

Kukkunersiuinermik suliaqarneq pillugu Kalaallit Nunaannut nalunaarut

Kukkunersiuusut naalagaaffimmit akuerisat aamma nalunaarsorneqarsimasut pillugit inatsimmi, Kalaallit Nunaannut kunngip peqqussutaatigut nr. 623-kut 23. juni 2008-meersukkut atortuulersinneqartumi, § 5 imm. 1, § 12, imm. 7 aamma § 27 imm. 2 naapertorlugit aalajangersarneqarpoq:

Kapitali 1

Ataatsimut aalajangersakkat

atuuffia

§ 1. Nalunaarummi matumani malittarisassat atuutissapput kukkunersiuisoq suliaqarneq inatsimmi § 1, imm. 2, Kalaallit Nunaannut kunngip peqqussutaatigut atortuulersinneqartoq, malillugu suliaqaraangat. Taamaattumik suliaqarneq taamaallaat suliarineqassapput kukkunersiuisarfirmi ataatsimik piginnittulittut, interessentskabitut, aktieselskabitut, anpartsselskabitut imaluunniit kommandit-aktieselskabitut (partnerselskabitut) ingerlanneqartumi, tak. inatsimmi § 12, imm. 1, Kalaallit Nunaannut kunngip peqqussutaatigut atortuulersinneqartoq.

Taaguut

§ 2. Kukkunersiuisarfik, ataatsimik piginnittoqarluni ingerlanneqanngitsoq, taaguutimmi interessentskabitut, aktieselskabitut, anpartsselskabitut imaluunniit kommandit-aktieselskabitut (partnerselskabi) imminut taagussaap.

Imm. 2. Kukkunersiuisarfiup taaguutaanit ersarissumik ersersinneqassaaq kukkunersiuisarfik naalagaaffimmit akuerisaanersoq imaluunniit nalunaarsorneqarsimanersoq. Kukkunersiuisarfiit pisussaataapput kisermaallugulu piginnaatitaallutik taaguutimittut atussallugu kukkunersiuisarfik >>naalagaaffimmit akuerisaq<< imaluunniit >> nalunaarsorneqarsimasooq<<.

Imm. 3. Kukkunersiuisarfiup taaguutaanik allannguutit Erhvervs- og Selskabsstyrelsimut nalunaarutigineqassapput allannguinnermiit kingusinnerpaamik sap. ak. tallimat qaangiunneranni.

Atsiornermi pissutsit

§ 3. Kukkunersiuisoq inatsimmi § 1, imm. 2, Kalaallit Nunaannut kunngip peqqussutaatigut atortuulersinneqartoq, malillugu uppersaataatit nalunaaruteqaraangat, kukkunersiuisup aqqa atorfialu kiisalu kukkunersiuisarfiup taaguutaa kukkunersiuisartup atsiorneranut atatillugu takuneqarsinnaassaaq.

Piginnittunik nalunaarsuut

§ 4. Kukkunersiuisarfiup pigisuaannassavaa piginnittunik nalunaarsuut nutarsagaq interessentinut, aktionærinut, anparthaverinut, komplementarinut imaluunniit kommanditistinut tamanut tunngasoq, tassani taakkua aqqi tamaasa atorfiilu kiisalu kukkunersiuusut piginneqataassutaasa taasisinnaassusiisalu ataatsimut amerlassusaat allanneqassimassapput. Nalunaarsuut kikkunit tamanit takuneqarsinnaassaaq.

Imm. 2. Erhvervs- og Selskabsstyrelsi kiisalu Kukkunersiuisartunik Nakkutilliisoqarfik peqataasut ataasiakkaat piginneqataassutaasa taasisinnaanerisalu amerlassusaat pillugit paasissutissanik nutarsakkanik qaqugukkulluunniit takusaqarsinnaatitaapput.

Imm. 3. Aktie-, anparts- imaluunniit partnerselskabinut tunngatillugu imm. 1, 1. pkt. aamma imm. 2 malillugit paasissutissat ingerlatsiviup aqutsisuisa nalunaarutaannit takuneqarsinnaassapput.

Imm. 4. Inuinnarnut tunngatillugu allanneqassaaq taakkua kukkunersiuisuunersut naalagaaffimmit akuerisat imaluunniit nalunaarsorneqarsimasut, aamma kukkunersiusarfimmi atorfeqarnersut.

Imm. 5. Inunnut inatsisitigut pisinnaatitaasunut pisussaataitaasunullu tunngatillugu nalunaarsuinnermut normu allanneqassaaq. Inuit inatsisitigut pisinnaatitaasut pisussaataitaasullu piginnittuunermut imaluunniit ilaasortaanermut nalunaarsuummik nutarsakkamik tigungmiaqassapput, tassanilu taakkua aqqi tamarmik kiisalu piginneqataassutaasa taasisinnaanerisalu amerlassusaat allassimassapput. Piginnittuunermut imaluunniit ilaasortaanermut nalunaarsuut Erhvervs- og Selskabsstyrelsimit aamma Kukkunersiuisartunik Nakkutilliisoqarfimmit qaqugukkulluunniit takuneqarsinnaassaaq.

Imm. 6. Aktianik anpartinillu pigisaqarnek pillugu malittarisassat aktie- aamma anpartsselskabit pillugit inatsisiniittut, Kalaallit Nunaannut kunngip peqqussutaatigut atortuulersinneqartuni, atuutissapput, tapiliussat imm. 1-5-ip malitsigisai ilanngullugit.

Matunissaq pillugu nalunaarut

§ 5. Kukkunersiuisarfiup piunasaqaatit inatsisip § 12-ianiittut, Kalaallit Nunaannut kunngip peqqussutaatigut atortuulersinneqartumi, naammassisinnaajunnaarpagit sullivik imaluunniit sullivik sinnerlugu iliuseqartoq Erhvervs- og Selskabsstyrelsimut nalunaaruteqassaaq piffissaritat, nalunaarummi matumani ersersinneqartut, naapertorlugit.

Imm. 2. Kukkunersiuisarfik allanik pissuteqarluni matuppat kukkunersiuisarfik imaluunniit kukkunersiuisarfik sinnerlugu iliuseqartoq Erhvervs- og Selskabsstyrimut erngiinnaq nalunaaruteqassaaq, matumalu kingorna Erhvervs- og Selskabsstyrelsip kukkunersiuisarfik kukkunersiuisarfinnut nalunaarsuiffimmiit piissavaa.

Kapitali 2

Aktie- aamma anpartsselskabit

Aktianik anpartinillu tunniussineq

§ 6. Kukkunersiuisarfimmi aktianik imaluunniit anpartinik pigisassanngortitsilluni imaluunniit qularnaveeqqusiussilluni tunniussaqroneq taamaallaat pisinnaavoq aqutsisut akuersiseqqaarlugit, taamaattoq tak. §§ 9 aamma 10.

Imm. 2. Kukkunersiuisarfik malittarisassamini akuersinissamut piunasaqaatit pillugit erseqqinnerusunik malittarisassiussaaq.

Imm. 3. Aktiamik imaluunniit anpartimik pissarsisup pisisinnaatitaaneq, aktiaseqqissinnaatitaaneq, allannngortitsisinnaatitaaneq assingusorluunniit akuersissummik peqqaartinnani atorsinnaanngilaa.

Taasisinnaatitaaneq

§ 7. Taasisinnaatitaaneq aktiamut imaluunniit anpartimut atasoq piginnittup kisimi atorsinnaavaa.

Imm. 2. Aktiaatillip imaluunniit anpartiutillip imm. 1 apeqquataatinnagu fuldmægtigi kukkurersiuisarfiup ataatsimeersuarnermi nammineq sinnerluni ataatsimeersuaqataatissinnaavaa. Kukkurersiuisoq naalagaaffimmit akuerisaq sinnerlugu fuldmægtigi kukkurersiuisuussaaq naalagaaffimmit akuerisaq. Kukkurersiuisoq nalunaarsorneqarsimasoq sinnerlugu fuldmægtigi kukkurersiuisuussaaq nalunaarsorneqarsimasoq.

Matunissaq

§ 8. Aktiamik anpartimilluunniit ataatsimik imaluunniit arlalinnik tunniussinerup kingunerisaanik kukkurersiuisarfik piumasaqaatinik inatsisip § 12 imm. 3-aniittunik, Kalaallit Nunaannut kunngip peqqussutaatigiut atortuulersinneqartumi, naammassinnissinnaajunnaarpat, aamma aktianik anpartinillu tunisineq piffissarititaasup sap. ak. arfineq pingasunik sivirusussillip inatsisip § 12, imm. 6-ianiittup, Kalaallit Nunaannut kunngip peqqussutaatigut atortuulersinneqartumi, qaangiutinnginnerani pisimangippat aqutsisut erngerlutik aalajangiissapput, aktiat anpartilluunniit pineqartut pinngitsaaliissummik aningaasannortinnissaat siunertaralugu imaluunniit allamik aalajangiissuteqassapput inatsisit piumasaqaatitaasa naammassineqarnissaat siunertaralugu. Sullivimmut allamut kukkurersiuisarfimmit allaanerummut nuuttoqarnissamik aalajangiineq ataatsimeersuarnermi taamaallaat pisinnaavoq. Pissutsit inatsisip § 12, imm. 3-anut, Kalaallit Nunaannut kunngip peqqussutaatigut atortuulersinneqartumut, akerliulerneranniit kingusinnerpaamik qaammatit pingasut qaangiunneranni kukkurersiuisarfik pisariaqartumik aalajangiingippat imaluunniit kukkurersiuisarfik aalajangiippat sullivimmut allamut kukkurersiuisarfimmit allaanerummut nuunnarlutik kukkurersiuisarfik imaluunniit kukkurersiuisarfik sinnerlugu iliuseqartoq Erhvervs- og Selskabsstyrelsimut erngiinnaq nalunaaruteqassaaq, matumalu kingorna Erhvervs- og Selskabsstyrelsip kukkurersiuisarfik kukkurersiuisarfinnut nalunaarsuiffimmiit piissavaa.

Imm. 2. Kukkurersiuisarfinni pissutsit inatsisip § 12, imm. 3-anut, Kalaallit Nunaannut kunngip peqqussutaatigut atortuulersinneqartumut, allatut akerliulersimarpata malittarisassat imm. 1-imiittut taamatulli atortuutinneqassapput, taamaattoq tak. § 9, imm. 6 aamma § 10, imm. 5.

Imm. 3. Siulersuisunut ilaasortat amerlanersaasa naalagaaffimmit akuerisaallutillu nalunaarsukkatut kukkurersiuisuunissaat pillugu aalajangersagaq inatsisip § 12, imm. 4-niittoq, Kalaallit Nunaannut kunngip peqqussutaatigut atortuulersinneqartumi, kukkurersiuisarfiup eqquutitinnikkuniuk kukkurersiuisarfiup pissutsit kingusinnerpaamik sap. ak. sisamat qaangiunneranni iluarsissavai. Pissutsit kingusinnerpaamik piffissarititap qaangiunnerani iluarsineqarsimangippata aqutsisut Erhvervs- og Selskabsstyrelsimut erngiinnaq nalunaaruteqassapput, matumalu kingorna Erhvervs- og Selskabsstyrelsip kukkurersiuisarfik kukkurersiuisarfinnut nalunaarsuiffimmiit piissavaa.

Toqusoqarneq aamma akiliisinnaajunnaarneq

§ 9. Aktiaatilik imaluunniit anpartiutilik toqussappat imaluunniit akiliisinnaajunnaassappat, kukkurersiuisarfillu taamaalilluni piumasaqaatinik § 12, imm. 3-miittunik, Kalaallit Nunaannut kunngip peqqussutaatigut atortuulersinneqartumi, naammassinnissinnaajunnaarluni, toqusimasup pigisaasa imaluunniit akiliisinnaajunnaartup pigisaasa aktiat imaluunniit anpartit piginissaannut periarfissaqarput, taasisinnaatitaaneq tamatumunnga atasooq ilanngullugu. Periarfissaq tamanna atorneqassappat malittarisassat imm. 3-6-imiittut atuutissapput.

Imm. 2. Kukkurersiuisarfiup malittarisassamini aalajangersinnaavaa toqusimasup pigisaasa imaluunniit akiliisinnaajunnaartup pigisaasa aktiat imaluunniit anpartit pigininnaangikkaat.

Imm. 3. Toqusimasup pigisaanik agguaassinermut tunngatillugu malittarisassat Kalaallit Nunaanni kingornussisarnermik inatsimmiittut atuutissapput, matumunnga ilanngullugu inatsimmi § 30.

Imm. 4. Akiliisinnaajunnaartut pigisaani pigisanik nakkutilliisuutitaq malittarisassat akiliisinnaajunnaarneq pillugu inatsimmiittut, Kalaallit Nunaannut kunngip peqqussutaatigut atortuulersinneqartumi, naapertorlugit immikkut ilisimasalimmik ikiortissarsissaaq, akiliisinnaajunnaartup piginneqataassutaasa kukkunersiuisartut pillugit inatsisip malittarisassartai malillugit aqunneqarnissaannut pisariaqartutut annertussusilimmik.

Imm. 5. Imm. 1 naapertorlugu piginnittuuneq ingerlaannarsinnaavoq pigisat agguaanneqarnissaasa imaluunniit inerlugit suliarineqarnissaasa tungaanut, sivisunerpaamilli toquosoqarneraniit imaluunniit akiliisinnaajunnaarnermut peqqussuteqarnermiit ukioq ataaseq angullugu. Piumasaqaatit inatsisip § 12, imm. 3-aniittut, Kalaallit Nunaannut kunngip peqqussutaatigut atortuulersinneqartumi, naammassineqarnissaat siunertaralugu kukkunersiuisarfik piaarnerpaamik sulissutiginnissaq.

Imm. 6. Toqusimasup pigisaanik agguaassereernerup imaluunniit inerlugit suliaqareernerup kingorna kukkunersiuisarfiup piumasaqaatit inatsisip § 12, imm.3-aniittut, Kalaallit Nunaannut kunngip peqqussutaatigut atortuulersinneqartumi, naammaassisimanngippagit kukkunersiuisarfik imaluunniit kukkunersiuisarfik sinnerlugu iliuuseqartoq Erhvervs- og Selskabsstyrelsimut erngiinnaq nalunaaruteqassaaq, matumalu kingorna Erhvervs- og Selskabsstyrelsimut kukkunersiuisarfik kukkunersiuisarfinnut nalunaarsuiffimmiit piissavaa.

Sinniisuutitaqarneq

§ 10. Aktiaatilik imaluunniit anpartiutalik sinniisuutitalerneqarpat imaluunniit pigisat tungaasigut siunnersortissalerneqarpat, kukkunersiuisarfiullu taamaalilluni piumasaqaatit inatsisip § 12, imm. 3-aniittut, Kalaallit Nunaannut kunngip peqqussutaatigut atortuulersinneqartumi, naammassisinnaajunnaarpagit sinniisuutitaasoq imaluunniit pigisat tungaasigut siunnersortiusoq, tak. namminersorsinnaanermik inatsit, Kalaallit Nunaannut kunngip peqqussutaatigut atortuulersinneqartoq, periarfissaqarpoq piginneqataasup imaluunniit anpartiutillip kukkunersiuisarfimmi soqutigisai isumagissallugit. Periarfissaq tamanna atorneqassappat malittarisassat imm. 3-5-imiittut atuutissapput.

Imm. 2. Kukkunersiuisarfiup malittarisassamini aalajangersinnaavaa sinniisuutitaasoq imaluunniit pigisat tungaasigut siunnersorti aktionærip imaluunniit anpartiutillip kukkunersiuisarfimmi soqutigisaanik isumaginnittuussanngitsoq.

Imm. 3. Sinniisuutitaasoq imaluunniit pigisat tungaasigut siunnersortaasoq kukkunersiuisuunngippat immikkut ilisimasalimmik ikiortissarsisoqassaaq, aktiaatillip imaluunniit anpartiutillip soqutigisaasa kukkunersiuisartut pillugit inatsisip malittarisassartai malillugit nakkutigineqarnissaannut pisariaqartutut annertussusilimmik.

Imm. 4. Imm. 1 malillugu nakkutiginninneq sivisunerpaamik pisinnaavoq sinniisuutitaliinermiit imaluunniit pigisat tungaasigut siunnersortiliinermiit ukiumi ataatsimi. Kukkunersiuisarfik piaarnerpaamik sulissuteqassaaq piumasaqaatit inatsisip § 12, imm. 3-aniittut, Kalaallit Nunaannut kunngip peqqussutaatigut atortuulersinneqartumi, naammassineqarnissaat siunertaralugu.

Imm. 5. Kukkunersiuisarfik ukiumik ataatsimik piffissarititaasup qaangiunnerani inatsisip § 12, imm. 3-anik, Kalaallit Nunaannut kunngip peqqussutaatigut atortuulersinneqartoq, naammassinissimanngippat kukkunersiuisarfik imaluunniit kukkunersiuisarfik sinnerlugu iliuuseqartoq Erhvervs- og Selskabsstyrelsimut erngiinnaq nalunaaruteqassaaq, matumalu kingorna Erhvervs- og Selskabsstyrelsimut kukkunersiuisarfik kukkunersiuisarfinnut nalunaarsuiffimmiit piissavaa.

Paarititsineq

§ 11. Kukkuersiuisoq, kukkuersuisutut allagartaminik paarititsigallartoq, piginneqataassutininik taasisinnaatitaaffinnillu 5 pct. angullugit taamaallaat pigisaqarsinnaavoq, tak. inatsimmi § 12, imm. 3, 2.pkt, Kalaallit Nunaannut kunngip peqqussutaatigut atortuulersinneqartoq.

Imm. 2. Taamaattoq imm. 1-imi killiliineq atuutinngilaq kukkuersiuisoq, allagartaminik paarititsigallartoq, kukkuersuisarfimmi atorfeqarpat imaluunniit aktiat imaluunniit anpartit sulisunut aaqqiissutit ilaattut pissarsiarineqarsimappata, tak. inatsimmi § 12, imm. 3, 3. pkt., Kalaallit Nunaannut kunngip peqqussutaatigut atortuulersinneqartoq.

Kapitali 3

Kommandit-Aktieselskabit (partnerselskabit)

§ 12. Aalajangersakkat kapitali 2-miittut aamma 4-miittut kommanditistinut aamma komplementarinut atuutissapput pisariaqartunik naleqqussaatitalerlugit.

Kapitali 4

Interessentskabit

Piginneqataassummik tunniussineq

§ 13. Kukkuersuisarfimmi interessentskabimi piginneqataassummik taamaallaat tunniussisoqarsinnaavoq interessentskabi akuersiseqqaarsimatillugu, taamaattoq tak. §§ 16 aamma 17.

Imm. 2. Kukkuersuisarfik interessentskabi akuersinissamut piumasaqaatit pillugit interessentskabi pillugu isumaqatigiissummi erseqqinnerusunik malittarisassiussaaq.

Taasisinnaatitaaneq

§ 14. Taasisinnaatitaaneq piginneqataassummut atasooq piginnittumit taamaallaat atorneqarsinnaavoq.

Imm. 2. Interessentip fuldmægtigi imm. 1 apeqqutaatinnagu nammineq sinnerluni peqataatissinnaavaa. Kukkuersiuisoq naalagaaffimmit akuerisaq sinnerlugu fuldmægtigi kukkuersiuissuussaaq naalagaaffimmit akuerisaq. Kukkuersiuisoq nalunaarsorneqarsimasooq sinnerlugu fuldmægtigi kukkuersiuissuussaaq nalunaarsorneqarsimasooq.

Matunissaq

§ 15. Kukkuersuisarfik interessentskabi kukkuersuisarfimmi interessentskabimi pissutsit inatsisip § 12, imm. 2-anut, Kalaallit Nunaannut kunngip peqqussutaatigut atortuulersinneqartumut, akerliulerneranniit kingusinnerpaamik qaammatit pingasut qaangiunneranni piumasaqaatinik naammassinnissaaq imaluunniit aalajangiissaaq kukkuersuisarfik interessentskabi sullivimmut allamut kukkuersuisarfimmit allaanerusumut nuunneqassasoq. Kukkuersuisarfik interessentskabi kingusinnerpaamik piffissarititaasup qaangiunnerani pisariaqartumik aalajangiinngippat, imaluunniit kukkuersuisarfik interessentskabi aalajangiippat sullivimmut allamut kukkuersuisarfimmit allaanerusumut nuunniarlutik kukkuersuisarfik interessentskabi

imaluunniit taanna sinnerlugu iliuseqartoq Erhvervs- og Selskabsstyrelsimut erngiinnaq nalunaaruteqassaaq, matumalu kingorna Erhvervs- og Selskabsstyrelsip kukkunerisuisarfik interessentskabi kukkunerisuisarfinnut nalunaarsuiffimmiit piissavaa

Imm. 2. Aqutsisoqarfimmi amerlanerussuteqarnissamik piumasaqaat pillugu aalajangersagaq § 18, imm. 2-miittoq kukkunerisuisarfiup interessentskabip naammassinngikkuniuk pissutsit aqqissavai kingusinnerpaamik sap. akunnerisa sisamat qaangiunneranni. Pissutsit kingusinnerpaamik piffissarititap qaangiunnerani iluarsineqarsimanngippata kukkunerisuisarfik interessentskabi imaluunniit kukkunerisuisarfik interessentskabi sinnerlugu iliuseqartoq Erhvervs- og Selskabsstyrelsimut erngiinnaq nalunaaruteqassaaq, matumalu kingorna Erhvervs- og Selskabsstyrelsip kukkunerisuisarfik kukkunerisuisarfinnut nalunaarsuiffimmiit piissavaa.

Toqusoqarneq aamma akiliisinnaajunnarneq

§ 16. Interessenti toqussappat imaluunniit akiliisinnaajunnaassappat, kukkunerisuisarfillu interessentskabi taamaalilluni piumasaqaatinik § 12, imm. 2-miittunik, Kalaallit Nunaannut kunngip peqqussutaatigut atortuulersinneqartumik, naammassinissinnaajunnaarluni, toqusimasup pigisaasa imaluunniit akiliisinnaajunnaartup pigisaasa kukkunerisuisarfimmi interessentskabimi interessentip piginnaatitaaffii isumagissallugit periarfissaqarput.

Imm. 2. Aalajangersakkat § 9-miittut taamatulli atuutissapput.

Sinniisuutitaqarneq

§ 17. Interessenti sinniisuutitalerneqarpat imaluunniit pigisat tungaasigut siunnersortissalerneqarpat, kukkunerisuisarfillu interessentskabip taamaalilluni piumasaqaatit inatsisip § 12, imm. 2-aniittut, Kalaallit Nunaannut kunngip peqqussutaatigut atortuulersinneqartumi, naammassisinnaajunnaarpagit sinniisuutitaasoq imaluunniit pigisat tungaasigut siunnersortiusoq periarfissaqarpoq interessentip kukkunerisuisarfimmi interessentskabimi soqutigisai isumagissallugit.

Imm. 2. Aalajangersakkat § 10-miittut taamatulli atuutissapput.

Attaveqanngitsuuneq

§ 18. Taamaallaat interessentit, kukkunerisuisarfimmi interessentskabimi naalagaaffimmit akuerisaasumi kukkunerisuiisuusut nalagaaffimmit akuerisat aammalu kukkunerisuisarfimmi interessentskabimi nalunaarsukkami kukkunerisuiisuusut nalunaarsukkat, kukkunerisugassanik uppernarsaatitullu nalunaarusianik misissuisinnaapput, tak. inatsimmi § 1, imm. 2, Kalaallit Nunaannut kunngip peqqussutaatigut atortuulersinneqartoq.

Imm. 2. Kukkunerisuisarfimmi interessentskabimi aqutsisoqarfeqarpat ilaasortat amerlanerit kukkunerisuiisuusapput naalagaaffimmit akuerisat aamma kukkunerisuiisuusapput nalunaarsorneqarsimasut.

Allagassiat

§ 19. Kukkunerisuisarfimmik interessentskabitut ilusilimmik ingerlataqarnermi allagassiami ersersinneqassaaq kikkut interessentiunersut, imaluunniit ingerlatsivimmi interessentit pillugit paasisutissat sumi piniarneqarsinnaasut. Inunnut inatsisitigut pisinnaatitaasunut pisussaatitaasunullu tunngatillugu taakkua aqqi nalunaarsuinermilu normu allagassiami allanneqarsimassapput.

Interessentskabimi isumaqatigiissut

§ 20. Kukkunersiuisarfimmi interessentskabimi isumaqatigiissummi malittarisassiortoqarsinnaavoq ilaatigut makku pillugit

- 1) interessentip ilanngunnerani, tunuarnerani, aningaasannngortitsinerani, toqunerani, akiliisinnaajunnaarnerani, sinniisulerneqarnerani imaluunniit pigisat tungaasigut siunnersortiliivigineqarnerani kukkunersiuisarfik interessentskabi qanoq ililluni inatsisip § 12, imm. 2-anik, Kalaallit Nunaannut kunngip peqqussutaatigut atortuulersinneqartumik, unioqqutitsinaveersaarsinnaasoq,
- 2) interessentinik ataatsimiigiaqqusineq pisuni, piginnittunut piumasaqaatinik inatsisip § 12, imm. 2-aniittunik, Kalaallit Nunaannut kunngip peqqussutaatigut atortuulersinneqartunik, naammassinninngitsoortoqarsimatillugu,
- 3) interessenti tunuarpat, piginneqataassutai aningaasannngortinneqarpata il.il. kina kukkunersiuisarfimmik ingerlatsiinnarsinnaanersoq,
- 4) interessentip tunuarneranut atatillugu kalleriinissaq,
- 5) piginneqataassutip tunniunneqarnissaanut akuersissuteqarnissamik noqqaassuteqarnermut atatillugu akissuteqarnissamut piffissarititaq,
- 6) qaqugu piginneqataassutinik pinngitsaaliissummik aningaasannngortitsisoqarsinnaasoq, aamma
- 7) interessentit akiliisussatut akisussaasuunerat killilerneqarsinnaanngitsoq.

Kapitali 5

Sulliviit ataatsimik piginnittullit

§ 21. Kukkunersiuisarfiup ataatsimik piginnittullip piginnittua toqussappat imaluunniit akiliisinnaajunnaassappat, toqusup pigisai imaluunniit akiliisinnaajunnaartup pigisai piginnittoq sinnerlugu sullivimmuut ilanngunnissaminut periarfissaqarput. Aalajangersakkat § 9-miittut taamatulli atuutissapput.

Imm. 2. Kukkunersiuisarfimmik ataatsimik piginnittulimmik piginnittoq sinniisuutitalerneqarpat imaluunniit pigisat tungaasigut siunnersortilerneqarpat sinniisuutitaasoq imaluunniit pigisat tungaasigut siunnersortinngortitaq piginnittup kukkunersiuisoqarfimmi soqutigisaanik isumaginninnissaminut periarfissaqarpoq. Aalajangersakkat § 10-miittut taamatulli atuutissapput.

Kapitali 6

Pineqaatissiissutit, atortuulersitsinermi- aamma allannguilernermi aalajangersakkat

Pineqaatissiissutit

§ 22. Nalunaarummi matumani §§2-6-imik, §8, imm. 1-imik aamma 3-mik, § 9, imm. 1-imik, 5-imik aamma 6-imik, § 10 imm. 1-imik, 4-mik aamma 5-imik, § 11, imm. 1-imik, § 13-imik, § 15-imik, § 18-imik aamma § 19-imik unioqqutitsinermut akiliisussannngortitsisoqassaaq.

Imm. 2. Aktieselskabi, anpartselskabi imaluunniit assingusoq (inuit inatsisitigut pisinnaatitaasut pisussaataitaasullu) unioqqutitsisuuppat ingerlatsivik taamatut akiliisussatut akisussaatinneqarsinnaavoq.

Atortuulersitsineq

§ 23. Nalunaarut atortuulerpoq ulloq 1. august 2008.

Allannguilernermi aalajangersakkat

§ 24. Kukkunersiuisarfimmi aktieselskabiusumi imaluunniit anpartsselskabiusumi kukkunersiuisoq, allagartaminik nalunaarutip matuma atortuulersinneqarnissaa sioqqullugu paarititsigallartog, kukkunersiuisarfimmi aktiaatiminik imaluunniit anpartiutiminik malittarisassat siornatigut atuuttut malillugit piginniinnarsinnaavoq, ukiut kingulliit tallimat iluini katillugit ukiut pingasut naanissaat tikillugu.

Erhvervs- og Selskabsstyrelsi, ulloq 28. juli 2008

Ole Blöndal

/Grethe Krogh Jensen